

Powšitkowne WOZJEWJENJA

njedźelu, 29. awgusta 2021

Wusyłanje Božeje mšě

Serbskorěčnu Božu mšu móža wěriwi tutu njedźelu, 29. awgusta, znowa jako live-stream w interneće scěhować. Wona přenjese so w 9 hodž. z Chróšćanskeje cyrkweje. Link na nju je pod www.posol.de a na wosadnej stronje podaty.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 14. septembra, w 14 hodž. do Smochčanskeho kubłanišća swjateho Bena přeprošeni. Zajimcy njech so prošu hač do wutory, 7. septembra, w redakciji Katolskeho Posola přizjewja, telefonowe čisło (0 35 91) 55 02 12. Tež dalši zajimcy su wutrobnje witani. Kóždy njech sej prošu Wosadnik a nahubnik sobu přinjese, wšako maja so hygieniske předpisy kubłanskeho domu dodžeržeć. Štóž chce wotewzaty być, njech to prošu zdžěli. Wobkedźbować ma so tohorunja, zo je kubłanišćo swoje plaćizny podróšilo.

Kemše za wučerjow a kublarjow

Wšitcy wučerjo a kublarjo su wutoru, 31. awgusta, we 18 hodž. wutrobnje na Božu mšu do Róžanta přeprošeni. Je to poskitk, so w poslednim prózdninskim tydženju tež duchownje a z Božim žohnowanjom na nowe šulske lěto nastajić.

Poskitk přichodnym organistam

Budyski tachantski kantor Kamil Maksymilian Kulawik poskića wot septembra wuwučowanje na piščelach. Wuměnjenje su zakładne znajomosće w hraću na klawěrje. Poskitk měri so na młodych na hudźbje zajimowanych, kotřiž bychu zwólniwi byli, nimo swojeho powołanja službu organistki abo organista přewzać abo kotřiž zajimuju so za studij cyrkwinskeje hudźby a jeho předmjety. Zajimcy měli so z mejlku na info@dompfarrei-bautzen.de na farje tachantskeje wosady přizjewić. Tam zhonja dalše nadrobnosće.

Pytaja domownika

Dom swjateje Ludmile w Chróšćicach poskića wobmjezowane džělowe městno domownika. Wone móže so hnydom wobsadzić. Džěło płaci so po tarifowych rjadowanjach Charity. Požadanja přijimuju z poštu abo z mejlku na heimleiter@st-ludmila.de. Nadrobnije informacije poda nawodnica Mónica Wenclowa, telefonowe čisło (03 57 96) 94 73 30.

Ponowjeny Winfriedowy dom sej wobhladać

Po wjace hač dwulětnym ponowjenju Winfriedoweho domu w Schmiedebergu změja tam njedźelu, 5. septembra, wot 11 do 17 hodž. džen wotewrjenych duri. Zajimcy su přeprošeni, sej přetwarjeny džěćacy a młodžinski kubłanski dom Drježdžansko-Mišnjanskeho biskopstwa wobhladać.

Potrjechenym powodzenja w zapadze pomhać

Za wopory powodzenja w zapadnej Němskej hromadzi Towarstwo Cyrila a Metoda z.t. (TCM) ze swojej akciju „Łužica pomha“ dary za potrjechenych wosady we Weilerswis-će juhozapadne Kölna. Tam bydlaća młoda serbska swójba je zwisk sposrědkowała. Pjenježne dary móža so na konto Cyrill-Methodius-Verein e.V., IBAN: DE 65 750 90 300 000 828 23 66, pod hesłom „Weilerswist“ přepokazać. Štóž swoju dospołnu adresu poda, tomu wustaji TCM darowansku kwitowanku.

Z kolesom putnikować

Na tydženske putnikowanje z kolesom přeprašuje Smochčanske kubłanišćo swjateho Bena składnostnje 100. rónicy znowazaloženja Drježdžansko-Mišnjanskeho biskopstwa. Wone wotměje so wot njedzele do njedzele, 5. do 12. septembra. Přizjewjenja přijimuju telefonisce pod čisłom (03 59 35) 2 21 72 abo z mejlku na Umwelt@kebs.de. Link k stronamaj z nadrobnymi informacijemi kaž tež za přizjewjenje je pod www.posol.de wozjewjeny.

Wulět młodostnych do Sakskeje Šwicy

Dekanatne dušepastyrstwo młodžiny přeprašuje młodostnych ze wšěch serbskich wosadow wot přichodneho 9. lětnika na zhromadny wulět do Sakskeje Šwicy, a to njedzele, 19. septembra. Wotjězd budže něhdže w 12 hodž., nawrót je w 20 hodž. planowany. Přinošk we wysokosci 20 eurow wopřija jězbu z busom, jědź a jězbu z čołmom. Přizjewjenja přijimuju so hač do póndzele, 30. awgusta, online. Wotpowědny link k tomu je pod www.posol.de podaty.

Poskitk rěčnych kursow serbsčiny

Rěčny centrum WITAJ (RCW) poskića wot septembra cyłkownje 17 rěčnych kursow serbsčiny za dorosćenych na třoch rěčnych schodženkach, mjez druhim w Pančicach-Kukowje a Radworju. Zdobom poskićuju onlinowe kursy za zajimcow zwonka Łužicy. Nadrobne informacije namakaja zajimcy na internetowej stronje RCW pod www.witaj-sprachzentrum.de. Přizjewjenja přijimuju z mejlku na sekretariat@witaj.domowina.de abo telefonisce pod (0 35 91) 55 04 00.

Mužojo a žony w bibliji

Seminar wo zhladowanju na muži a žony w Swjatym pismje wotměje so wot pjatka do njedzele, 10. do 12. septembra, w Smochčanskim kubłanišću swjateho Bena. Nawoda budže tamniši referent Ansgar Hoffmann, kotryž je zdobom nawoda Katolskeho bibliskeho skutka w Drježdžansko-Mišnjanskim biskopstwje. W seminarje chcedža so z tym zaběrać, kotry wobraz wo mužach a žonach biblija woprawdže skići. Předznajomosće njejsu trěbne. Zajimcy měli so pak pod telefonowym čisłom (03 59 35) 2 23 17 abo z mailku pod adresu ansgar.hoffmann@bg-schmochtitz.de. přizjewić.

Z kreatiwnosću a spiritualitu sebje spóznać

Pod hesłom „Truny žiwjenja“ přeprašuje Smochčanske kubłanišćo swjateho Bena na seminar, při kotrymž móžeš „nutřkowe swěty“ spóznać, kotrež ze swójskej kreatiwnosću, molowanjom wobrazow a symbolow zwurazniš. Zaměr je, zo móža ći, kotřiž so na seminarje wot pjatka do njedzele, 17. do 19. septembra, wobdźěla, swójske resursy wotkryć a zmysł swójskeho puća nadeńć. Dny nawjedujetaj eksercicijowy přewodžer farar dr. Hans-Konrad Harmansa a duchowna přewodžerka Maren-Magdalena Sorger. Zajimcy měli so pod telefonowym čisłom (03 59 35) 2 23 17 abo z mailku pod adresu ansgar.hoffmann@bg-schmochtitz.de. přizjewić.